

VRIME

Vrime pasiva.

Okolo. Naokolo.

Naokolo. Okolo.

Smiron mi biži.

Ne moren ga čapat.

Oči se otpiru. Zapiru.

Zapiru. Otpiru.

Vrime se vrti.

Ne frmuje.

Ka put se štufa.

Malo se nazad torna.

Ka put mu je sila.

Nas napred potira.

Oči se zapiru. Otpiru.

Otpiru. Zapiru.

Vrime pasa.

Katrin Težak, 6.a

3. nagrada

Oblak

Oblak kako šlag na torti.

Debeli.

Veli.

Beli.

Stoji.

Me gleda. Mi se smiji.

Ma neki put se razjadi .

Onda je črn. Črn kako noć.

Črni.

Debeli.

Veli.

Stoji.

Još jedan hip

se pelje tamo gori

kako barka kroz more.

Pomalo gre ča...

Leona Lukež, 5.a

Pohvaljena

Ljubav

Ljubav je vajka na prven mesti
ne pita za leta
ni ku je sunce ni ku je doš
ni ku si lačan ni ku si žedan.

Ljubav nas tira na smih
ki put anke na kakovu suzu
ljubav je saderi oko nas
kad otpremo i zapremo oči.

Ona je tu.

Evita Ivić, 5. b

Pohvaljena

Moj bak

Imala son baka,

mesto breka.

Vele rogi je ima

i rep s ken je muhi tira.

Imo je i zvonac

pa son znala

kad je šo va dolac.

Bačoni son ga zvala

i više son mu puti jist dala.

Dobar je bi

ma ga više ni.

Drugi su šećali breka,

a ja baka.

Leora Horvatek, 2. razred

pohvaljena